

# Zaključci Vijeća o Bosni i Hercegovini

Sastanak Vijeća za vanjske poslove

Brisel, 15. decembar 2014.

Vijeće je usvojilo sljedeće zaključke:

- „1. Vijeće ponavlja svoju nedvosmisleno opredijeljenost za perspektivu Bosne i Hercegovine u Evropskoj uniji. Vijeće, također, ponovo potvrđuje svoju nedvosmisleno opredijeljenost očuvanju teritorijalnog integriteta Bosne i Hercegovine kao suverene i ujedinjene zemlje.
  2. Vijeće pozdravlja Sporazum za rast i zapošljavanje sa ciljem da se pažnja usmjeri na reforme i pitanja od neposrednog interesa za građane, u svjetlu masovnih građanskih protesta početkom 2014. godine koji su istakli krhkost socioekonomske situacije.
  3. Vijeće pozdravlja nedavnu posjetu Sarajevu visoke predstavnice Mogherini i komesara Hahna i njihov angažman u oživljavanju procesa reformi u Bosni i Hercegovini. Vijeće se usaglasilo u pogledu obnovljenog pristupa EU prema Bosni i Hercegovini u procesu pristupanja EU u kojem svi uslovi, uključujući provedbu presude u predmetu Sejdić-Finci, moraju biti ispunjeni. Vijeće poziva političko vodstvo Bosne i Hercegovine da u aktivnosti svih relevantnih institucija uvrsti reforme potrebne za integraciju u EU.
  4. Vijeće poziva visoku predstavnicu Mogherini i komesara Hahna da nastave angažman sa bh. liderima na osiguravanju neopozive pisane obaveze za poduzimanje reformi u okviru procesa pristupanja Evropskoj uniji što je prije moguće. Opći cilj je uspostaviti funkcionalnost i učinkovitost na svim nivoima vlasti i omogućiti Bosni i Hercegovini da se pripremi za buduće članstvo u EU. Tekst će sadržavati i obavezu saradnje sa EU na izradi početnog plana za reforme u skladu sa pravnom stečevinom Evropske unije. Program reformi bi trebao biti implementiran u konsultacijama sa civilnim društvom. Ovaj program bi trebao uključivati, prije svega, reforme u skladu sa Kopenhaškim kriterijima (socioekonomske reforme uključujući i „Sporazum za rast i zapošljavanje“, vladavinu prava, dobru upravu) i dogovoreno pitanje funkcionalnosti (uključujući i mehanizam koordinacije po pitanjima EU).
- Domaće vodstvo će se, također, obavezati da postigne napredak, u kasnijoj fazi, na daljim reformama kako bi se poboljšala funkcionalnost i učinkovitost različitih nivoa vlasti.
5. Vijeće poziva visoku predstavnicu Mogherini i komesara Hahna da redovno izvještavaju o napretku u postizanju ove pisane obaveze i kako se ona odražava na rad svih relevantnih institucija.
  6. Nakon što pisana obaveza bude dogovorena od strane Predsjedništva BiH, potpisana od strane domaćih političkih lidera i potvrđena od strane Parlamenta BiH, Vijeće će odlučiti o stupanju na snagu Sporazuma o stabilizaciji i pridruživanju.

7. Konkretna napredak na provedbi programa za reforme, uključujući „Sporazum za rast i zapošljavanje“, će biti neophodan da bi EU razmatrala zahtjev Bosne i Hercegovine za članstvo. Prilikom traženja Mišljenja Komisije o prijavi za članstvo, Vijeće će zatražiti od Komisije da obrati posebnu pažnju na provedbu presude Sejdić-Finci.
8. Vijeće naglašava presudnu važnost brzog formiranja vlasti i poziva domaće lidere da to i osiguraju. “